

Broj: 02-~~185~~ /21  
Zenica, 25.03.2021.godine

Na osnovu člana 69. stav 2. tačka d), člana 70. stav 1, 4. i 6. Zakona o javnim nabavkama („Sl. glasnik BiH“, broj 39/14), direktor JU Institut za zdravlje i sigurnost hrane Zenica, donosi

## **ODLUKU** o poništenju postupka javne nabavke

### **Član 1.**

Poništava se postupak javne nabavke usluga- **Nabavka usluga iznajmljivanja vozila** u skladu sa članom 69. stav 2. tačka d), odnosno iz razloga što nijedna od primljenih ponuda nije prihvatljiva.

### **Član 2.**

Ova odluka objavit će se na web-stranici ugovornog organa (www.inz.ba), u skladu sa članom 70. stav 6. Zakona o javnim nabavkama.

### **Član 3.**

Ova odluka stupa na snagu danom donošenja.

## **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 02-876/21 od 02.03.2021. godine. Postupak nabavke je proveden otvorenim postupkom za koji je objavljeno obavještenje o nabavci na Portalu javnih nabavki broj: 7126-1-2-41-3-30/21 od 04.03.2021. godine.

Postupak nabavke provela je Komisija za javne nabavke imenovana Rješenjem broj: 02-897/21 od 03.03.2021. godine.

Postupak je uredno proveden i objavljen na portalu javnih nabavki. Do roka predviđenog za dostavu ponuda, Komisija je konstatovala da su pristigla dvije ponude na adresu ugovornog organa. Analizom pristiglih ponuda Komisija za javne nabavke je utvrdila sljedeće:

- U ponudi ponuđača ASA-RENT d.o.o. Sarajevo na stranicama 5, 6 i 7 uočene su ispravke korektorom na Aktuelnom izvodu iz sudskog registra koje nisu parafirane i ovjerene od strane ponuđača, sa datumom izvršene ispravke.

- Ponuđač ASA-RENT d.o.o. Sarajevo u svojoj ponudi nije dostavio Popis dokumenata dostavljenih uz ponudu, a kako je to traženo Tenderskom dokumentacijom. Naime, propisanim Obrascem za dostavljanje ponude u Tenderskoj dokumentaciji, propisani dio obrasca je Popis dokumenata dostavljenih uz ponudu sa tabelarnim dijelom, koji su ponuđači trebali popuniti prilikom popunjavanja Obrasca. Ponuđači su imali mogućnost da sadržaj ponude dostave i na drugom mjestu u ponudi, sačinjavanjem popisa dostavljene dokumentacije na svom memorandumu.

Tačkom 41. TD-e Sadržaj ponude i način pripreme ponude propisano je da su ponuđači obavezni da pripreme ponude u skladu sa kriterijima koji su utvrđeni u tenderskoj dokumentaciji, te je određeno da ponude koje nisu pripremljene u skladu sa tenderskom dokumentacijom će biti odbačene kao neprihvatljive. Tenderskom dokumentacijom je propisano da ponuda mora



sadržavati Obrazac za dostavljanje ponude (tačka 4.1. TD) a sastavni dio tog Obrasca je Popis dokumenata dostavljenih uz ponudu.

Članom 58. stav 1) i) Zakona o javnim nabavkama propisano je:  
"Svaka ponuda obvezno sadrži sljedeće elemente:  
i) popis dokumentacije koja je priložena uz ponudu."

Kako ponudač ASA-RENT d.o.o. Sarajevo u svojoj ponudi nije dostavio Popis dokumenata dostavljenih uz ponudu, to je njegovu ponudu valjalo odbaciti kao neurednu, jer ponuda nije sačinjena u skladu sa propisanim uslovima iz tenderske dokumentacije.

Nadalje, Komisija je utvrdila da oba ponuđača u svojim ponudama u Obrascu za cijenu ponude nisu upisali cijenu sa popustom i PDV-om slovima, što je propisano kao obavezujući uslov u tački 4.5. TD, zbog čega su obe ponude cijenjene kao neprihvatljive.

Članom 14. stav 2. Uputstva za pripremu modela tenderske dokumentacije i ponuda propisano je: "Cijena ponude piše se brojevima i slovima."

Kako je u obrascu za cijenu ponude jasno naznačen dio u koji je trebalo cijenu upisati slovima, to su obe pristigle ponude sačinjene protivno odredbi gore citiranog člana Uputstva i uslova propisanog Tenderskom dokumentacijom.

Cijeneći odredbu člana 69. stav 2. tačka d) Zakona o javnim nabavkama Ugovorni organ je obavezan poništiti postupak javne nabavke u slučaju da nijedna od primljenih ponuda nije prihvatljiva. Kako je komisija obje pristigle ponude osnovano ocijenila neprihvatljivim, odlučeno je kao u dispozitivu.

#### **POUKA O PRAVNOM LIJEKU**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

- 1x Služba za pravne poslove i javne nabavke
- 1x ASA-RENT d.o.o. Sarajevo
- 1x KOBİĆ d.o.o. Zenica
- 1x [www.inz.ba](http://www.inz.ba)



DIREKTOR

prim.dr. Senad Huseinagić